

回回原來

司田原本

唐王談道後有十二段始入中國叙回回故土西域徙入
中國由來久矣歷

唐宋元明以至我國

大清皇帝千有餘年教門大行教生繁庶可謂盛矣恐延
及後世歷代遠言淹其原來不揣鄙陋之見俗俚之詞叙
文以誌傳世後輩無忘原來云爾

有詩一首

回回原來都西域

何知中國永尊居

只因唐王一夜夢移來三千立根基

勅封掌印欽天監安居中原天地齊

深感唐王雨露重至今保國更無移

大唐貞觀二年三月十八日夜至三更王寢於宮中夢一
纏頭追趕妖怪闖入宮中醒來驚疑不止不知主何吉凶
之兆次日早朝金鐘三點聚衆羣臣文武分班而立欽天
監出班奏曰臣夜觀乾象有怪物入紫薇主有精怪攪亂
我主江山也又西方祥光萬道瑞氣千條則西方真人出

世願我主早作定奪唐王曰朕昨夜夢纏頭亦有妖怪青
臉紅髮巨口獠牙凶惡利害有一纏頭捧手密誦遂後追
趕但見其人形容異樣相貌非凡面如烏金紙色耳輪垂
兩肩頰下鬚鬚翻捲唇口鬚剪齊短兩道掃帚眉高鼻黑
眼真人出世西域為何來至中國此怎生打扮

身穿皓服粉粧成

八寶玉帶繫腰中

頂戴素冠六合樣

頭纏布巾似盤龍

凜凜身材生殺氣

好似真人下九重

進宮朝西雙膝跪 兩手執捧念真經

見其妖怪遂即變化掏出原形聲聲哀告望祈真人饒性
命再誦一時化成濃血為灰塵也纏頭聞言釋放而去也
不知吉凶若何言罷傳下旨意宣圓夢官上殿圓夢官聽
宣連忙上殿雙膝跪倒口尊萬歲宣為臣上殿不知我主
有何事相商唐王忙開金口宣卿上殿並無別事只因朕
昨夜三更偶得一夢見一纏頭入宮追趕妖怪其怪生得
凶惡纏頭將妖怪降伏施放而去夢官奏曰纏頭西域回

回在加裕關之西哈密國至中國一千二百站路程每站
七十里共有八萬四千里之遙有一回王道高德厚國富
兵強其地多出奇珍異寶風俗淳厚天下國土惟西域得
風氣之正降大聖人之時日出五色夜打八更白雲罩頂
天降真經白雲冲天如此感應所以有祥光瑞氣之兆也
吾主夜夢纏頭必有扶助大唐之意所以宮中有降扶之
能因此纔有宮中妖氣必得回回真經以鎮壓之庶乎可
以消滅言罷歸班天子聞言失色曰合朝文武衆家羣臣

依卿奏言又當何如有軍師徐勣出班奏曰臣聞西域回
回至誠不欺結之以恩則中心喜悅而誠服永無他意為
今之計開關口通往來多方安安撫望吾主降御旨差使
臣以至西域進見回王求取真經以鎮壓之然後中國安
於無事矣天子聞言大喜曰依卿所奏遂降旨命差官
赴西域聘請真人

詩曰

唐王夜夢一踪跡

纏頭金殿立儀奇

原夢官奏吾主知回王本籍是西域

夢至金鑾作異景有赴大唐知忠義

以恩結之妖患除奉旨差官上西域

第二段奉旨西域取真經

唐王次日早朝文武拜舞起居已畢問羣臣曰誰為朕領
旨赴西域宣取回同右班中閃出一人應曰臣願往但見
其人身材魁偉狀貌不凡行動時威風凜凜談吐時聲音
鴻亮應旨奉召此人允稱文武全才唐王視之乃大將軍

石唐也唐王曰卿家前去朕復何憂但事關社稷之安危
願卿早去早來勿戀異國風景以誤國家大事答曰臣自
小心在意不勞我主憂慮唐王付旨一道石唐出朝整頓
人馬辭了家中老幼竟出西華門飄然而往有詩為証

詩曰

臣子勞苦分宜然 山川跋涉心也甘
宣取回回進京後 留得芳名萬古傳

却說石唐一路風塵數日之間已出玉門關漸入西域境

界一路並無飯店幸而僕從帶得餽糧暫且充飢正行之
間天色晚時紅日西墜明月東升更無客店可寓差官焦
躁乃與僕從到見一回同借宿一夜回同欣然應允領至
家中打掃房屋令石唐住下備出一桌晚飯又與草料喂
馬匹但見屋舍家具飲食等物無不潔淨至於老幼男女
具有次序和氣藹然光景一新石唐問曰自入回同境界
以來並無招商客店是何緣故回同答曰我國風俗與中
國不同好潔淨尚義氣凡遇行人雖素不相識亦稱親戚

寒則與衣飢則與食若要安歇即與房屋居住此吾國大
公無私各處一理之風俗也再行數日人物頓異言語不
同遂教你幾句囑曰若飢時即照此說無不供飯留宿者
言畢就寢次日石唐酬以金銀回回堅辭不受遂起行路
所到之處但以回回所教言語無不爭來敬待一路不費
分毫盤費竟進撒麻甘城池石唐欣欣稱讚始知台官有
先見之明其言信不誣也於是令通使領進朝門見回王
取聖旨 在殿上宣讀其旨曰

咨爾回王遠守異方清真堪嘉悃誠可獎不尚浮華依然
太古之淳樸無庸詐偽猶是上代之遺風無謀生前以係
累其心志惟辦後世以圖進乎天堂朕竊慕心賞自今而
後無生異心以世守其忠良歲入朝貢祈來扶唐讀畢回
王令石唐暫退容與羣臣商議

第三段回王修表赴唐

次日早朝文武上殿回王問曰今唐朝天子來還回曰鎮
國孤欲選才德出衆之人前赴中國令唐朝君臣識撤麻

甘城人物爾文武誰可去得一言未畢從班中閃三位人
來應聲願往這三位蒼蒼上知天文察陰陽胸藏磊下知
地理夜觀乾象善落可以為西域生輝威風凜凜足以為
教門爭先回王一見大喜曰爾三人奉使天朝必能不辱
君命矣三人謝恩領旨出朝即日起身一路曉行夜住來
至半途該思吳孟思二人不服水土而死只存噶心一人
山川跋涉受盡勞苦乃至中國先令通使呈上表章唐王
覽表喜畧曰聖上威鎮遐方東西南北羣仰帝德之宏深

九夷八蠻共沐皇恩之浩蕩念吾回王久欲趨赴中國而
沐其教化朝見天子而親其儀光今奉召旨敢不來朝王
唐王覽畢傳旨令使臣迴館驛安歇

第四段唐王私行館驛會纏頭

唐王退朝遂扮青衣小帽私行館驛遙望回王使臣使臣
煖閣正坐見其容貌異樣相貌不凡唇鬚稍短腮鬚翻捲
面目黑光雙睛圓眼兩耳垂肩身被縞素頂戴素冠手持
經卷橫書樣頭纏白布三五圍留心細看却是夢中所會

之人一般走至前來秉手當胸口稱遠方客官我有禮了
纒頭一望見天庭保滿地潤方圓乃君王相貌遂欠身而
起俯伏奏曰以中國天子先禮遠方之使臣敢當哉唐王
愕然驚曰爾何知吾為天子也纒頭奏曰吾西域之人善
能認寶上知天文下知地理豈有天子氣象一見而不知
何為認寶之回回乎唐王聞言駭然為異遂駕轉回宮

第五段問禮經同異

唐王次日早朝文武分班宣召使臣入朝賜坐天子問

八
曰爾西域所行何禮答曰仁義禮智信人人所行三綱五
常尤所習講唐王曰綱常乃孔子之道中國之人無不知
曉莫不遵行當日周流列國未聞知西域爾豈能知乎答
曰吾西域有一部經從乃天而降名為古而嚙尼善論倫
理綱常包含日月乾坤善者可以感發人之善心惡者可
以懲創人之逸志實於詩經相表裏至於政教號令大綱
小紀無不中禮又於書經相維繫而其定百王之大法明
萬世之賞罰可以當中國之禮春秋陶淑人性情涵養人